

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Inatsisissatut siunnersuutip ilaatigut tunngavigaa suliaq Naalakkersuisut aallartitaat, inuussutissarsiutinik ingerlataqartunik akileraarusiisarnermi maleruagassat qanoq pitsanngorsarneqarsinnaanerannik, Kalaallillu Nunaanni aningaasaliinissamut pilerinarsaasinnaanermik misissuisussaq. Aamma inatsisissatut siunnersuut soraarnerussutisianik akileraarusiisarnermik allanguutit UPA 2016-imi (UPA 2016/21) akuersissutigineqartut malitsigaat, soorlu aamma paasissutissanik akileraartarnermut tunngasunik katersisarnermi nunanullu allanut tunniussisarnermi paasissutissat isumannaatsuunerat pitsanngorsarneqartoq. Akileraartarnermut ingerlatsiviup akileraarutigivallaakkat il.il. ikisiffigisassaannik, innuttaasut suliffeqarfiillu bankkontomik innersuussisalernissaat inatsisissatut siunnersuut inatsisit malillugit pisussaaffi-liissaaq. Aammattaq Kommuneqarfik Sermersuup KANUKOKA-mut ilaasortaajunnaarnerata kinguneranik aaqiisoqassaaq.

Inussutissarsiutinik ingerlataqartunik akileraarusiisarneq

Siunnersuut namminersorlutik inuussutissarsiutinik ingerlataqartut ineriartornerannik, aningaasaliiumassuseqarnerannik suliffissaqartitsinerannillu siuarsaaniarluni siunnersuutit arlaqartut siullersaraat. Siunnersuutinik amerlanerusunik ataatsimiittarnissani aggersuni saqqummiussisarnissaq pilersaarutaavoq. Suliaq inuussutissarsiutinik akileraarusiisarnermut tunngasut pillugit Inatsisiliornissaq pillugu Nassuiaammi, ataatsimiinnermi matumani agguanneqartussami erseqqinnerusumik allaaserineqarpoq.

Inatsisissatut siunnersuutip uuma nammineerluni nalunaarsuiffimmik nassiussinissamut piffissaliussaq pillugu ajornartorsiummut Sulisitsisunit (GE) uparuarneqartumut tunngasuvoq. Inuit selskabillu tamarmik nammineerluni nalunaarsuiffitsik ukiumi akileraarusiiffiusumi kingusinnerpaamik ulloq 1. maj nassiuttartussaavaat. Sulisitsisut (GE) isumaqarput piffissaliussaq maanna atuuttoq nunatsinni kukkunerisuisunut naatsorsuuserisunullu, piffissaq tunniussiffissaq qanilliarortillugu suliaq kingunerisunermi nassataqartoq.

Akileraartartut tamarmik nammineerluni nalunaarsuiffitik piffissaliussap kingunerisaanik ataatsikkut nammassisussaavaat, tamannalu kukkunerisuiinermik suliaqartunut, namminersorlutik inuussutissarsiutinik ingerlataqartut, selskabit peqatigiiffiillu nammineerluni nalunaarsuiffimminnik suliaqarneranni amerlasuutigut ikiuuttartunut ulapisitsisarpoq. Tamatuma kingunerisinnaasarpaa suliffeqarfiit ilaasa piffissaliussaq eqquutsissagunikkut siunnersuilluarsinnaasunik amigaaqartarnerat.

Inatsisissatut siunnersuutip siunertaraa selskabinut aningaasaateqarfinnullu, kiisalu namminersorlutik inuussutissarsiutinik ingerlataqartunut, elektronikkimik atortorissaarutit atorlugit

nammineerluni nalunaarsuiffimmik nalunaarutiginnittunut piffissaliussamik kinguartitsinis-saq.

Paasissutissanik soraarnerussutisianut tunngasunik nalunaarsuineq

Sulisut ataasiakkaat soraarnerussutisiaqarnissamut imaluunniit inuunermut sillimmasiinermik aaqqissuussinerannut akiliutaasimasut aningaasartaat, taakku ilanngaatineqarsinnaappata imaluunniit sulisitsisup akileeqaataassutai ilanngunneqartussaanngippata, sulisitsisut il.il., § 30, imm. 1, nr. 3 naapertorlugu nalunaarutigisussaavaat.

Soraarnerussutisiaqarnissamut aaqqissuussinerit Danmarkimiittut, Savalimmiuniittut nunaniluunniit allaniittut 1. januar 2017 aallarnerfigalugu ilanngaatineqarsinnaajunnaassapput imaluunniit sulisitsisut akileeqaataassutaasa ilanngunneqartussaannginneranni pineqartunut ilaajunnaassallutik. Taassuma kingorna soraarnerussutisiat tunniunneqarnissaanni tamakkiisumik ilaannakuusumilluunniit akileraarusigassaassanngippata akileraartartut ataasiakkaat uppernarsartussanngussavaat soraarnerussutisiaqarnissamut ileqqaakkat ilanngaatineqarsinnaasimannginnersut imaluunniit sulisitsisup akileeqaataassutaasa ilanngunneqartussaannginnerat atuusimannginnersoq.

Akileraartartut tamatumingna ikiorsinnaajumallugit UPA 2016/21-p akuersissutigineqarneranut atatillugu siunniunneqarpoq akileraaruseriffik soraarnerussutisiaqarnissamut aaqqissuussinernut Danmarkimiittunut, Savalimmiuniittunut nunaniluunniit allaniittunut akiliutinik nalunaarsuissasoq. Nalunaarsuiffiup imarissavai sulisitsisut il.il. aamma inuit nammineerlutik akiliutaat.

Inatsisissatut siunnersuutip siunertaraa soraarnerussutisiaqarnissaq pillugu paasissutissanik nalunaaruteqarnissaq nalunaarsuinissarlu pillugit tunngavissat pisariaqartut qulakkeerneqarnissaat.

Ilisimatitsisussaatitaaneq

Isumaqtigiissut, kontut pillugit paasissutissanik nalunaarutiginnittarnermik paarlaateqatigiittarnermillu OECD-p nunarsuarmi tamarmi atuutilersitaa (Common Reporting Standard (CRS) Kalaallit Nunaata nunat allat peqatigalugit 17. december 2015-imi atsiorpaa.

Isumaqtigiissutip kinguneraa nunatsinni aningaasaqarnikkut ingerlatsiviit aningaaserivinni kontut nunanut allanut, isumaqtigiissummittaaq atsiueqaataasimasunut attuumassuteqartut kimit pigineqarnerinik paasinnissinnaanissaq siunertaralugu periaatsinik sukumiinerusumik allaaserineqartunik ingerlatsisassasut, kontullu tamakku pineqartut pillugit akileraaruseriffimmut ukiumoortumik nalunaaruteqartassasut. Taava akileraaruseriffiup qinnuigineqaqqaanngikkaluarluni paasissutissat nalunaarutigineqartut nunami, kontumik piginnittup inuulluunniit nakkutilliisup angerlarsimaffiani akileraartarnermut oqartussaasunut ingerlateqqissavai.

Kalaallit Nunaata OECD-mut isumaqatigiissutip saniatigut aamma USA, paasissutissanik akileraartarnermut tunngasunik ingerlaannartumik paarlaateqatigiittarnissaq pillugu isumaqatigiissuteqarfigaa.

Paasissutissanik paarlaateqatigiittarnissami paasissutissat isumannaatsuunissaannik annertusaanissaq taakkununga atatillugu pisariaqarsorineqarpoq.

Aningaaserivinni kontut nunanut allanut attuumassutillit kimit pigineqarneri nalunaarutigineqartarnerilu pillugit maleruagassanik atuutilersitsinissamut tunngavissat akileraaruserinermik ingerlatsineq pillugu inatsimmi § 35 a, imm. 1-imiit 6-imut allassimapput. Tunngavissap nalunaarutini 1. januar 2017 nallertinnagu atuutilersitsinissamut atorniarneqarpoq.

Akileraaruserinermik ingerlatsineq pillugu inatsimmi § 35 a, inuit paasissutissani pineqartut isumaqatigiissummi aalajangersakkat malillugit ilisimatinneqartussaanerannik imaqartut nalunaarutikkut aalajangersarneqarnissaannut tunngavissamik imaqaangilaq.

Bankkontomik innersuussinissamut pisussaataaneq

2014-imi 149,4 mio. kr.-nik isertitanik akileraarutitut akiliivallaarutini akileraartarnermut ingerlatsivik innuttaasunut utertitsivoq. Aningaaserivimmi kontunut nuussinikkut kiisalu innuttaasunut suliffeqarfinnullu bankkontomik paasissutissiisimangitsunut checkit atorlugit akiliineq pivoq.

Checkinik atuneq sukkasuumik kinguariartorpoq. Qallunaat nunaanni aningaaseriviit checki pillugu suleqatigiinnerat taamaatinneqarpoq, 2016-illu naanerani unissalluni. Checkit pillugit suleqatigiinnerup taamaatinnerata kingunerissavaa, checkinik aningaaserivinnik allanit tunniunneqartunik aningaaseriviit aningaasannortitsisussaataanerata atorunnaassammat. Tamatumaa akileraartarnermut ingerlatsiviup akileraaruteqaataavallaartunik aningaasanik utertitsinermi il.il. checkinik atuinissaanut periarfissat sunnissavai, tiguisussap aningaaseriviani checkimik aningaasannortitsiniarneq 2017-imit qularnalissammat. Taamaattumik checkimik akiliisarneq innuttaasunut kiisalu akileraartarnermut ingerlatsivimmut ajornakusoornerulisaaq.

Taamaattumik inatsisissatut siunnersuummik, akileraartarnermut ingerlatsiviup akiliiffigisinaasaannut bankkontomik nalunaarsuisalernissamik innuttaasut peqquneqassapput. Aammalu inatsisissatut siunnersuutip innuttaasut akileraartarnermullu ingerlatsiviup, bankkontomut akiliinissamut innersuussutit pillugit pisussaaneeri malittarisaliuppai.

2. Siunnersuutip imarisai pingaarnertit

Inuussutissarsiutinik ingerlataqartunik akileraarusiisarneq

Nammineeirluni nalunaarsuiffimmik nassiussinissamut piffissaliussamik nutaamik, 15. maj, inuussutissarsiutinik ingerlataqartunut atuuttussamik atuutilersitsinissaq siunnersuutaavoq. Si-

unnersuutaavortaaq selskabit peqatigiiffiillu il.il. nammineerluni nalunaarsuiffimmik 15. juni nassiussisinnaanissaat. Nammineerluni nalunaarsuiffimmik nassiussinissamut piffissaliussaq kinguartinneqarsinnaassappat taakkunani marlunni piumasagaataavoq, nammineerluni nalunaarsuiffiit elektronikkimik atortorissaarutit atorlugit nalunaarutigineqassasut, taamaaliornisarmi akileraaruseriffiup piffissamik sulisutigullu sipaaruteqarneranik kinguneqassammat. Nammineerluni nalunaarsuiffiup elektronikkimik atortorissaarutit atorlugit nalunaarutigineqarnera akileraaruseriffiup ilitersuineratut pissaaq, soorlu assersuutigalugu nammineerluni toortaanissamut periarfissaq atorlugu pisinnaalluni.

Nammineerluni nalunaarsuisussaataasunut allanut tamanut atuuppoq nammineerluni nalunaarsuiffiup ullumikkutuut kingusinnerpaamik 1. maj nassiunneqartussaanera. Tamanna tungaviatigut aamma atuutiinnassaaq akissarsiorunut, kiisalu namminersorluni inuussutissarsi-ummik ingerlataqartunut, selskabinut, peqatigiiffinnut il.il., elektronikkimik atortorissaarutit atorlugit nalunaaruteqarnermik atuisuunngitsunut.

Inuussutissarsiutinik ingerlataqartunut aamma selskabinut il.il. piffissaliussaq 15. majimut aamma 15. junimut aalajangersarneqarpat, suliffeqarfiillu nammineerluni nalunaarsuiffimmik pissusissamisoortumik tunniussinngippata, akileraaruseriffiullu akileraartussaataasup aningaasarsiai missingersuinikkut angissusilertariaqassappagit tamanna akileraaruseriffimmut unammilligassaqarfiussaaq. Suliassanik suliaqarneq taamaattoq piffissamik sulisunillu atuiffi-usarpoq. Akileraartartup aningaasarsiai ukiumi ataatsimi akileraaruseriffimmit missingersui- nikkut angissusilerneqarsimappata ukiup tulliani aamma taamaattoqarnissaa ilimanaateqas- saaq. Taamaammat siunnersuutigineqarpoq, akileraaruseriffik suliffeqarfiit aningaasarsiaan- nik ukiup aningaasarsiorfiup siuliani missingersuisariaqarsimatillugu nammineerluni nalu- naarsuiffiup tunniunneqarnissaanut piffissaliussaq tassaassasoq 1. maj.

Akileraaruseriffik naliliivoq akileraarusiilluni sulinerup naammassineqarsimanissaanut piffis- saliussat allannguutissat siunnersuutigineqartut kingunerisaannik allanngortinneqartariaqas- sannngitsut. Inatsimmi allaqqavoq selskabinik aamma peqatigiiffinnik il.il. akileraarusiineq ukiumi akileraarusiiffiusumi kingusinnerpaamik 1. november naammassineqarsimassasoq (inatsimmi § 21, imm. 2.). Allanut tamanut tunngatillugu akileraarusiineq naammassineqarsi- masussaavoq kingusinnerpaamik ukiumi akileraarusiiffiusumi 1. september (§ 21, imm. 1).

Paasissutissanik soraarnerussutisiaqarnissamut tunngasunik nalunaarsuineq

Sulisitsisut il.il. soraarnerussutisiaqarnissamut imaluunniit inuunermut sillimmasiinermik aaq- qissuussinernut akiliutit pillugit akileraaruseriffimmut ukiumoortumik nalunaaruteqartussaati- taanerat ilallugu, aammattaaq akiliutit ilanngaatigineqarsinnaanngitsut imaluunniit sulisitsisut akileeqataassutaat ilanngunneqartussat ilaalernissaat siunnersuutaavoq.

Inatsimmik aaqqissuussineq pissutigalugu siunnersuutaavoq allannguut aalajangersakkatut immikkoortutut ilanngunneqassasoq, tamatumalu kingunerisaanik § 30, imm. 1, nr. 3-mi aala- jangersakkap atorunnaarsinneqarnissaa siunnersuutaalluni.

Nalunaarutiginnittussaannermi pineqarput soraarnerussutisiaqarnissamut imaluunniit inuunermut sillimmasiineramik aaqqissuussinernut akiliutit tamarmik, akiliutit soraarnerussutisiaqarnissamut aningaasaateqarfimmi imaluunniit inuunermut soraarnerussutisiaqarnissamulluunniit sillimmasiisarfimmi Kalaallit Nunaanni angerlarsimaffeqartumi angerlarsimaffeqanngitsumiluunniit aaqqissuussinernut akiliutaanerat apeqqutaatinnagu.

Soraarnerussutisiaqarnissamut aaqqissuussinermut akiliuteqarnermi akileraarutit A-t unerartinneqarsimasut nalunaaruteqarnermi nalunaarutigineqassapput, akiliineq soraarnerussutisiaqarnissamut aaqqissuussinermut ilanngaatigineqarsinnaasumut imaluunniit sulisitsisup akileeqataassutaanut ilanngunneqartussaannngitsumut tunngasuunngippat.

Akileraaruseriffiup soraarnerussutisiaqarnissamut imaluunniit inuunermut sillimmasiineramik aaqqissuussinernut akiliutit pillugit paasissutissanik, sulisitsisunit il.il. unerartitsisussaataitasunit nalunaarutigineqartunik tamanik nalunaarsuinissamik peqquneqarnissaa siunnersuutaavoq. Nalunaarsuiffiup siunertaa tassaavoq, akileraartartut aningaasat soraarnerussutisiatut tunniunneqartut soraarnerussutisiaqarnissamut akiliutinit, akiliutigineqaramik akileraarusigaasimasunit pisuunerannik uppersaanissaanni ikiuinissaq.

Akileraartartup soraarnerussutisiaqarnissamut aaqqissuussinermut akiliutit aningaasat akileraarusigaasut atorlugit nammineeurluni akilersimagunigik, tamanna pillugu paasissutissat nalunaarsorneqarnissaat pineqartup akileraaruseriffimmut qinnutigisinnaavaa.

Ilisimatitsisussaataaneq

Akileraaruseriffiup kiisalu ingerlatsiviit nalunaaruteqartussaataitasut paasissutissat isumannaatsuunissaat unioqqutinneqarsimatillugu inunnik kikkunnilluunniit, maleruagassat akileraaruserineramik ingerlatsineq pillugu inatsimmi § 35 a, imm. 1-imiit 6-imut naapertorlugit atuutilersinneqarsimasut malillugit nalunaarutigineqartunik ilisimatitsisussaataanissaat pillugu aalajangersakkamik atuutilersitsinissaq siunnersuutaavoq, unioqqutsitsinerup inuk pineqartoq taassumaluunniit inuttut inuunera pillugu paasissutissat illersugaanerannik akornusiisinnaanera ilimanaateqarpat.

Tassa imaappoq akileraaruseriffiup ingerlatsiviulluunniit nalunaaruteqartussaataitasup, paasissutissat isumannaatsuunissaasa sukkut unioqqutinneqarsimanera apeqqutaatillugu inunnik pineqartunik ilisimatitsisussaataanissaa aalajangersakkami pineqarpoq.

Taassuma saniatigut siunnersuutaavoq ingerlatsiviit nalunaaruteqartussaataitasut inunnik kikkunnilluunniit, maleruagassat akileraaruserineramik ingerlatsineq pillugu inatsimmi § 35 a, imm. 1-imiit 6-imut naapertorlugit atuutilersinneqarsimasut malillugit akileraaruseriffimmut nalunaarutigisassaminnik ilisimatitsisussaanerat pillugu aalajangersakkamik atuutilersitsinissaq. Inuup pineqartup paasissutissat tamaasa, pineqartup inunnut paasissutissat pillugit inatsimmi § 28 aamma § 29 naapertorlugit pissallugit pisinnaatitaaffigisani pissavai, tamannalu pissaaq inuk paasissutissat illersorneqarnissaannut pisinnaatitaaffini malillugit iliuuseqarnis-

samut naammattumik piffissaqartillugu. Ilisimatitsineq tamatigut pisassaaq aningaasaqarnik-
kut ingerlatsiviup paasissutissanik akileraaruseriffimmut nalunaarutiginninnginnerani.

Bankkontomik innersuussineq

Inatsisissatut siunnersuummik siunnersuutigineqarpoq, akileraarpallaarsimanikkut, akitsuuti-
nik akiliivallaarsimanikkut, ernianik akiliivallaarsimanikkut, ajunngitsorsiassaqaarnikkut
imaluunniit assigusutigut pisassaqaaraanni akileraartarnermut ingerlatsiviup akiliiffigisas-
saanik bankkontomik innersuussisarnissaminnut innuttaasut suliffeqarfiillu pisussaataalissa-
sut.

Innuttaasut ullumikkutut siumoortumik nalunaarsuinikkut, nammineerluni nalunaarsuinikkut,
www.sullissivik.gl aqcutigalugu imaluunniit akileraartarnermut ingerlatsivimmut attaveqar-
nikkut bankkontomik innersuussisinnaassapput.

Akileraartarnermut ingerlatsivik aningaaserivinnut nunani allaniittunut aningaasanik nuussi-
nikkut annertuunik aningaasartuuteqartinniarnagu, bankkonto qallunaat nunaanni, savalimmi-
uni Kalaallit Nunaanniluunniit aningaaserivimmiissaaq.

Innuttaasooq suliffeqarfilluunniit bankkontomik innersuussisimangippat, tamatuma kingune-
rissavaa, akileraartarnermut ingerlatsivik akileraarutaavallaartunik il.il. akiliisinnaas-
sannngimmat. Taamaattumik naleqqussorineqanngilaq, taakkununga tunngatillugu pi-
umasaqarneq, soorlu akileraarutaavallaartunik nunatta karsianit ernialersorneqassappat,
naleqq. aamma § 44, imm. 4 ernialiineq pillugu. Taamaattumik siunnersuutigineqarpoq, in-
nuttaasooq suliffeqarfilluunniit bankkontomik innersuussisimangippat, akileraarutaaval-
laarsimasunik piumasaqar-neq ernialersorneqassanngitsoq.

Naak akileraartarnermut ingerlatsivik ilungersorluni bankkontomik piniaraluartoq, innuttaa-
soq imaluunniit suliffeqarfik bankkontomik tunniussisimangippat imaluunniit nalu-
naarsuisimangippat, siunnersuutigineqarpoq, akileraarutaavallaarsimasut il.il. ukiut 5 qaan-
giussimappata nunatta karsianut pigisassanngortinneqassasut. Pisassarisat ilaasa
pisoqalisoorarnerat pillugu inatsit nr. 274, 22. december 1908-meersoq toqqammavigalugu
ukiuni 5-ini piffissaliussaq aalajangiunneqarpoq.

| Inatsisissatut siunnersuut inatsimmut atuuttumut sanilliullugu | |
|---|---|
| <i>Oqaasertai atuuttut</i> | <i>Inatsisissatut siunnersuut</i> |
| | Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, Inatsisartut inatsisaatigut nr. 9, 8. juni 2014-imi kingullermik allan- ngortinneqartumi makku allannguutigiti-- nneqarput: |

| | |
|--|---|
| <p>§ 3. <i>Imm. 3.</i> Skatterådip ilaasortai allat arfinillit taakkualu tamarmik sinniisussaat SIK-p, AK-p, GA-p, ILIK-p, KNAPK-p aamma KANUKOKA-p inassuteqareernerisigut Naalackersuisunit toqqarneqartarput.</p> | <p>1. § 3, imm. 3-mi imm. 1 ima oqaasertqas-saaq: ”Skatterådip ilaasortai arfi-nillit taakkualu tamarmik immikkut sinnii-sussaat SIK-p, AK-p, GE-p, NUSUKA-p, KNAPK-p aamma kommunit peqatigiillutik inassuteqareernerisigut Naalackersuisunit toqqarneqartarput.”</p> |
| <p>§ 16. <i>Imm. 3.</i> Nammineerluni nalunaarsuiffik kingusinnerpaamik nassiunneqassaaq ukiumi akileraarusiiffimmi ulloq 1. maj. Nammineerluni nalunaarsuiffik akileraaruseriffimmut akileraarusiineramik suliaqartussamut nassiunneqassaaq.</p> | <p>2. § 16 , imm. 3-miit 4-mut ima oqaasertaqas-saaq: <i>”Imm. 3.</i> Nammineerluni nalunaarsuiffik akileraaruseriffimmut nassiunneqassaaq ukiumi ukiup aningaasarsiorfiup tulliani, kingusinnerpaamillu: 1) kinguliani nr. 2-mi 3-milu pineqanngitsuni tamatigut 1. maj; 2) namminersorluni inuussutissarsiummik ingerlataqartunit, akileraaruseriffiup ilitersuina malillugu qarasaasiaq atorlugu nammineerluni nalunaarsuiffimmik nalunaarutiginnittut 15. maj, 3) piginneqatigiiffiit, peqatigiiffiit il.il., akileraaruseriffiup ilitersuina malillugu qarasaasiaq atorlugu nammineerluni nalunaarsuiffimmik nalunaarutiginnittut 15. juni.</p> |
| <p>§ 16 <i>Imm. 4.</i> Immikkut pissutissaqartillugu akileraaruseriffik nammineerluni nalunaarsuiffimmik nassitsinissap kinguartinneqarnissaanik akuersissuteqarsinnaavoq, tamanna akileraarusiilluni sulinerup aaqqissuunneqarneranut piffissarlu eqqorlugu naammassineqarnissanut akornutaanngippat. Nammineerluni nalunaarsuiffimmik nassiussinissamik kinguartsiniarluni qinnuteqaat tunngavilersugaassaaq, ukiumilu akileraarusiiffiusumi ulloq 1. maj nallertinnagu nassiunneqarsimassalluni. <i>Imm. 5.</i> Inuit ataasiakkaat nammineerluni nalunaaruteqarnissamut pisussaaffeqartut, nammineerluni nalunaarsuinermi immersugassamik akileraaruserivimmit immersorii-</p> | <p>3. § 16, imm. 3-p kingorna imm. 4-tut nutaatut ilaaanngunneqassaaq: <i>Imm. 4.</i> Namminersorluni inuussutissarsiummik ingerlataqartut, piginneqatigiiffiit peqatigiiffiillu imm. 3, nr. 2-mi 3-milu pineqartut, ukiup aningaasarsiorfiup siuliani akileraaruseriffimmit missingersuinnikkut akileraarutissaminnik angissusiliiffigineqartut nammineerluni nalunaarsuiffimmik nassiussinissamut piffissaraat ulloq 1. maj.”</p> <p>Imm. 4-miit 6-imut matuma kingorna tassaa-lerput imm. 5-imiit 7-imut.</p> |

| | |
|---|---|
| <p>gaasumik tigusaqartut, nammineerluni nalunaarusiamik nassitsinngissinnaapput, paasisutissat atorneqarsimasut eqqortuullutillu tamakkiisuuppata, § 17 naapertorlugu.</p> <p><i>Imm. 6.</i> Nammineerluni nalunaarsuiffissap qanoq isikkoqarnissaanut nassiussornissaanullu maleruagassat Naalakkersuisut aalajangersarsinnaavaat, aammattaaq immersugassat Naalakkersuisut akuerisaasa akileraartussaaitaasunit qanoq atorneqarnissaanut maleruagassat Naalakkersuisut aalajangersarsinnaavaat.</p> | |
| <p>§ 16, imm. 4, oqaaseqatigiit aappaat Nammineerluni nalunaarsuiffimmik nassiussinissamik kinguartitsiniarluni qinnuteqaat tunngavilersugaassaaq, ukiumilu akileraarsuiffiusumi ulloq 1. marts nallertinnagu nassiunneqarsimassalluni.</p> | <p>4. § 16, imm. 4-mi, imm. 5-inngortumi, oqaaseqatigiit aappaat ima oqaasertaqassaaqrpud:</p> <p>”Nammineerluni nalunaarsuiffimmik nassiussinissamik kinguartitsiniarluni qinnuteqaat tunngavilersugaassaaq, kingusinnerpaamillu ullormi nammineerluni nalunaarsuiffiup nassiunneqarfissaani tunniunneqarsimassalluni, tak. imm. 3-miit 4-mut.”</p> |
| <p>§ 30, imm. 1. nr. 3 - 6</p> <p>3) sulisut ataasiakkaat soraarnerussutisianut imaluunniit inuunermut sillimmasiinerannut sulisitsisut akiliutaat aningaasarsianit akileraarutit pillu inatsisartut inatsisaanni § 41, imm. 2-p ataani ilaasut aningaasartaat tamarmiusut,</p> <p>4) ajunngitsorsiat tamarmiusut ilaannakortulluunniit soorlu nerisaqarneq ineqarnerlu, najugaqarneq, akunnittarfinniinneq, angalanerit, biilit telefonilu assigisaallu, kiisalu malittarisassat Naalakkersuisunit aalajangersagaasut malillugit, tamakkua nalingi,</p> <p>5) tiguisup aqqa, inuttut normua, najugaaamma kommuni akileraartarfia aamma</p> <p>6) paasissutaasinnaasut allat tiguisup kinaaneranik paasinninnissamut pisariqartut.</p> | <p>5. § 30, imm. 1, nr. 3, atorunnaarsinneqarpoq.</p> <p>§ 30, imm. 1, nr. 4-miit 6-imut tassaalerput § 30, imm. 1, nr. 3-miit 5-imut.</p> |
| | <p>6. § 30-p kingornagut ilanngunneqassaaq:</p> <p>”§ 30 a. Suliffeqarfiutiminni kinaluunniit, Ani-ngaasarsianit akileraarutit pillugit</p> |

| | |
|--|--|
| | <p>Inatsisartut inatsisaanni § 75, imm. 1-imi 2-milu taaneqartunik akissarsisitsisoq, sulisunut ataasiakkaanut tunngatillugu soraarnerussutisiaqarnissamut imaluunniit inuunermut sillimmasiinermit aaqqissuussinermut akiliutigineqartut ukiut tamaasa januarip qaammataa naatinnagu tamakkerlugit nalunaarutigisassavaat. Tamatuma saniatigut akileraarutit A-t akiliutigineqartumit unerartineqartut nalunaarutigineqassapput, akiliutigineqartoq soraarnerussutisiaqarnissamut imaluunniit inuunermut sillimmasiinermit aaqqissuussinermut tunngassuteqanngippat, Aningaasarsianit akile-raarutit pillugit Inatsisartut inatsisaanni § 41, imm. 2 naapertorlugu sulisup aningaasarsiaanut akileraaruteqaataasussanut ilanngunneqartussaangip-pata.</p> <p><i>Imm. 2. § 30, imm. 1, nr. 5-imi 6-imilu, aamma imm. 2-miit 5-imut aalajangersakkat taamatulli atuutissapput.”</i></p> |
| | <p>7. § 34-p kingornagut ilanngunneqassaaq:</p> <p>”§ 34 a. Akileraaruseriffiup paasissutissat § 30 a naapertorlugu nalunaarutigineqartut nalunaarsussavai.</p> <p><i>Imm. 2.</i> Inuup soraarnerussutisiaqarnissamut inuunermulluunniit sillimmasiinermit aaqqissuussinernut § 39 a, imm. 2-mi piumasaaqatinik naammassinnittunut akiliutai pillugit paasissutissat Akileraaruseriffiup nalunaarsorsinnaavai qinnuigineqaruni, inuup aningaasarsiaasa akileraaruteqaataasussat naatsorsorneranni akiliutiminik Danmarkimi, Savalimmiuni imaluunniit Kalaallit Nunaanni tamakkiisumik ilaannakuusumilluunniit ilanngaateqartinneqarsimannginnera uppernarsarneqarpat.</p> <p><i>Imm. 3.</i> Naalakkersuisut nalunaarsuiffik, matumani aamma qarasaasiat atorlugit nalu-</p> |

| | |
|---|---|
| | <p>naaruteqartarnej pillugu, paasissutissanik nalunaarsorneqarsimasunik ingerlatitseqqittarneq il.il. pillugit maleruagassat sukumiinerusut aalajangersarsinnaavaat.”</p> |
| | <p>8. § 35a-mi imm. 7 aamma 8 nutaatut ilanngunneqassapput: ”Imm. 7. Inuk maleruagassat imm. 1 aamma 2 naapertorlugit atuutilersinneqarsimasut malillugit nalunaarutigineqartussaq, paasissutissat isumannaatsuunissaat unioqqutinneqarpat pineqartoq pillugu paasissutissanut tunngatillugu ilisimatinneqassaaq, unioqqut-sitsinerup inuk pineqartoq taassumaluunniit inuttut inuunera pillugu paasissutissat illersugaanerannik akornusiisinaanera ilima-naateqarpat. Imm. 8. Maleruagassat imm. 1 aamma 2 naapertorlugit atuutilersinneqarsimasut malillugit inuit nalunaarutigineqartussat, pineqartut pillugit paasissutissat maleruagassat imm. 1-imiit 6-imut naapertorlugit atuutilersinneqarsimasut malillugit katersorneqarlutillu ingerlateqqinneqarnissaat pillugu tamaasa immikkut Aningaasaqarnikkut ingerlatisiviit nalunaaruteqartussaataitasut ilisimatissavai, paasissutissanillu inunnut paasissutissat pillugit inatsimmi § 28 § 29-lu naapertorlugit pisinnaasaannik tamanik tunissallugit, taamaalilluni inuk paasissutissat illersorneqarnissaat pillugu pisinnaatitaaffini malillugit iliuuseqarnissamut naammattumik piffissaqaqqullugu, tamannalu tamatigut pisassaaq aningaasaqarnikkut ingerlatsiviup pineqartoq pillugu paasissutissanik akileraaruseriffimmut nalunaaruteqannginnerani.”</p> |
| <p>§ 41. Naalackersuisut KANUKOKA-mik isumaqatiginninniarnermikkut, kommunit agguaqatigiissillugu inummut ataatsimut akileraarutitigut isertitaasa assigiinngissutaannut matusissutissanik kommunit akileraarutitigut isertitaannik agguaaassisarnissa-</p> | <p>9. § 41 imm. 1-imi ”KANUKOKA” ”kommuninut” allanngorneqassaaq</p> |

| | |
|---|--|
| mut maleruagassiat aalajangersassavaat. | |
| | <p>10. § 46-p kingorna ilanngunneqassaaq: ” § 46 a. Akileraarutaavallaartunik, ernianik, ajunngitsorsiassanik assigisaannilluunniit akiliinermi danskit koruuniinik, akileraartartup kontomut innersuussaanut, Danmarkimi, Savalimmiuni Kalaallit Nunaannilluunniit aningaaserivimmiittumut pisarpoq. Taa-neqartutut akileraartartoq nammineq nalunaarsuinikkut, utertoornissamut qinnuteqar-nikkut imaluunniit kingusinnerusukkut kontomik innersuussisinnaavoq. Kontomut innersuunneqartumut akiliinermi akileraartarnermut ingerlatsivik akisussaasuujunnaartarpoq.</p> <p><i>Imm. 2.</i> Akileraartartoq siusinnerusukkut taaneqartutut kontomik innersuussisimappat, akileraartarnermut ingerlatsiviup akileraartartumut nammineerluni nalunaarsuiffissakkut allakkakkulluunniit nalunaarutininik allanik nassiussamigut oqaatigisinnaavaa, akileraarutaavallaartut imaluunniit allat kontomut sumut ikineqassanersut, imaappat akileraartartoq kontomik allamik innersuussisimangippat. Akileraartartoq kontomik allamik innersuussinngippat, nammineerluni nalunaarsuiffissami il.il. konto nalunaarsorsimasumut akiliinerit pissapput, tamatuma akileraartarnermut ingerlatsivik akisussaatik-kunnaassavaa.</p> <p><i>Imm. 3.</i> Akileraartarnermut ingerlatsiviup akileraarutaavallaartut il.il. imm. 1-imi imaluunniit 2-mi taaneqartutut kontomut akilersinnaangippagit, akileraartarnermut ingerlatsiviup ulloq akiliisinnaaffianit, akileraartartumut ernialersuisoqassanngilaq.</p> <p><i>Imm. 4.</i> Akileraartarnermut ingerlatsiviup akiliisinnaaffianit ukiut 5 qaangiuppata, akileraartarnermut ingerlatsivik imm. 1-imi imaluunniit 2-mi taaneqartutut kontomut suli akiliisinnaangippat, akileraartartup akileraarutaavallaartunik, ernianik, ajunngitsorsias-</p> |

| | |
|--|--|
| | sanik assigisaanilluunniit piumasaqarsinnaanini annaassavaa.” |
| | § 2 |
| | Inatsisartut inatsisaat 2017-mi januaarip aallaqqaataani atortuulerpoq. <i>Imm. 2.</i> Inatsisartulli inatsisaata § 1-ata, nr. 5-niit 7-anut aatsaat 2018-mi januaarip 1-ani atuutilissapput. |

3. Pisortanut aningaasatigut allaffissornikkullu sunniutissai

Nammineerluni nalunaarsuinissamut piffissaliussamik allanngineq akileraaruseriffiup allaffissornerani suliassaqarnerulaalersitsissangatinneqarpoq, tassa namminersorluni inuussutissarsiummik ingerlataqartunik, selskabinik peqatigiiffinnillu akileraarusiilluni sulineq ullumik-kornit piffissakinnerulluni pisussanngussamat.

IT-mik atortunik naleqqusnaanernut kiisalu soraarnerussutisiat pillugit paasissutissanik nalunaarsuinermini atortunik ineriartortitsinissamut aningaasartuutissat ataasiartumik aningaasartuutaasussat 2 aamma 3 mio. kr.-it akornannik amerlassuseqassagunarput. Taakku saniatigut suliassaqarnerulerneq ukioq naallugu suliffiit marluk missinginik naleqassangatinneqarpoq, taakkunanga aappaa ilinniagartuujussalluni. Akissarsianut ingerlatsinermullu ukiumut aningaasartuutissat 1,3 -t 1,5 mio. kr.-illu akornanniissangatinneqarput.

Ilisimatitsisussaataitanermik allanngineq pisortanut aningaasartuutaanerulersussatut nalilerneqanngilaq.

Akilititut checkimik tunniussisarnerup atorunnaariartornera, taamaasillunilu akileraaruuttaavallaartunik il.il. kontomut nuussinikkut akiliisarnerit atornerarnerujartornerat pisortanut sipaaruteqaataassasoq naatsorsuutigineqarpoq.

4. Inuussutissarsiutinik ingerlataqartunut aningaasatigut allaffissornikkullu sunniutissai

Inuussutissarsiutinik ingerlataqartut atugarisaat nammineerluni nalunaarsuinissamut piffissaliussamik allannginerup kingunerisaanik pitsaanerulissangatinneqarput, tassami naatsorsuuseriviit, kukkunerisiusut il.il. suliassatik piffissamut sivisunerusumut agguataarsinnaalissammatigik. Nammineerluni nalunaarsuinissamut piffissaliussap kingusinneruneratigut elektronikkimik atortorissaarutit atorlugit nalunaaruteqarnissamik piumasagaat piffissami ikaarsaariarfiusumi inuussutissarsiutinik ingerlataqartut aningaasartuuteqarnerulaalernerannik kinguneqarsinnaavoq. Tamatumali taamaallaat piffissami ikaarsaariarfiusumi pinissaa naatsorsuutigineqarpoq, tassa suliffeqarfiit elektronikkimik atortorissaarutit atorlugit nalunaaruteqarsinnaaneramik iluaqutiginnilernissaq anguniarlugu suliffeqarfiit naatsorsuuserinermini suleriaatsiminnik il.il. naleqqussaanerisa naammassinissaata tungaanut.

Soraarnerussutisiaqarnissamut imaluunniit inuunermut sillimmasiinermit aaqqissuussinernut akiliutit pillugit nalunaaruteqartussaataitanermik allannguinerit inuussutissarsiutinik ingerlataqartunut aningaasatigut allaffissornikkulluunniit sunniuteqangaarnaviangillat.

Allannguut aningaasaqarnikkut ingerlatsivinnut, sullitaminnik ilisimatitsisussanut aningaasatigut allaffissornikkullu sunniuteqassangatinneqarpoq.

5. Avatangiisinut pinngortitamullu inuillu peqqissusiannut sunniutasinnaasut

Inatsisissatut siunnersuut avatangiisinut pinngortitamulluunniit sunniuteqassangatinneqanngilaq.

6. Innuttaasunut sunniutaasinnaasut

Inuussutissarsiutinik ingerlataqartunut nammineerluni nalunaarsuinissamut piffissaliussat allannguutaat akissarsiortunut amerlanernut allannguuteqartitsinaviangillat.

Akilerartartut soraarnerussutisiaqarnissamut aaqqissuussinernut aningaasat akileraarusigaausut atorlugit nammineerlutik akiliisartut akiliutimik nalunaarsorneqarnissaat pillugu akileraaruseriffimmuut qinnuteqassanerlutik isummertariaqassapput.

Akilerartarnermut ingerlatsiviup akiliiffigisinnaasaanik, akilerartartoq bankkontomik innersuussinissaminut pisussaaffilerneqassaaq. Akilerartartoq kontomik aningaaserivimmi Danmarkimi, Savalimmiumi imaluunniit Kalaallit Nunaanniittumut ukiuni 5-ini innersuussisimanngikkuni, akilerartartup akileraarutaavallaartunik, ernianik, ajunngitsorsiasaanik assigisaaniluunniit pissaminik piunasaqarsinnaanera atorunnaassaaq. Bankikkut nuussinerit akilerartartunut iluaqutissartaqarput, tamatumani akilerartartut aningaaserivimmukaqqaarnissaat imaluunniit niuertarfinnut aningaaserivittut sullissisunukaqqaarnissaat checki aningaasanngortinniarlugu pisariaarutissammat.

7. Sunniutaasinnaasut pingaarutillit allat

Inatsisissatut siunnersuut allanik sunniuteqassangatinneqanngilaq.

8. Oqartussaasunik kattuffinnillu tusarniaaneq

Siunnersuut tusarniaavikkut maajip 23-niit juunip 28-ata tungaanut tusarniaassutigineqarpoq. Juunip 23-ni inatsisissatut siunnersuut nutartigaq ilassitalik tusarniaassutitut ingerlatinneqarpoq, tusarniutaaneralu juulip 7-anut sivitsorneqarluni. Siunnersuut tusarniaavikkut tusarniutaanikuuvoq, soqutigisaqatigiinnullu tulliuuttunut nassiunneqarnikuulluni:

SIK, Sulisitsisut (GE), Deloitte, Grønlands Revisionskontor, NUSUKA, KANUKOKA, Kommuneqarfik Sermersooq, Naalakkersuisut Siulittaasuata Naalakkersuisoqarfia, Inuussutissarsiormernut, Suliffeqarnermut Niuernermullu Naalakkersuisoqarfik, GrønlandsBANKEN, BankNordik.

Kinguliani oqaaseqaataasut pingaarnersiorneri iluarsiiisutitalinnik naalisarlugit naqinnerit nalinginnaasut atorlugit issuarneqarput, Naallakkersuisulli oqaaseqaataat *orlingasumik* ikkunneqarlutik.

Tusarniutaanerani akissutaasut tulliuuttugit takuneqarsinnaapput:

Deloitte:

Siunnersuummi Deloitte-kkut piffissaliussatigut allannortitsiniarneq isumaqatigilluinnarpaat. Taamaattorli Deloitte-kkut erseqqissaqqullugu, § 16-mi, imm. 3-mi nr. 3-mi piffissaliussat suliffeqarfinnut killilimmik akileraaruteqartussanut aamma atuutissasut. Peqatigitillugulu aamma Deloitte-kkut maluginiaqqaat, kalaallit nunaanni piffissaliussat nalinginnaasumik sivikipallaartarmata.

Oqaaseqaatit pisariaqartilerpaat, § 16-mi oqaaseqaatini erseqqissarneqarmat, nammineerluni nalunaarsuutissatinik nassiussinissami piffissaliussat killilimmik akileraaruteqartussanut aamma atuummata.

Oqaaseqaatini oqaatigineqarpoq, akileraaruteqartussaataasut ima kingusitsigisumik tunniussisut eqqarsaatigalugit imaariaannaamat, ukiumi ataatsimi missiliuinikkut akileraarusiisooqartariaqartillugu, ukiup tullissaani aamma kingusinaarluni tunniussisoqassasoq. Illuatungaatigulli oqartoqarsinnaassaaq, piffissamik sivitsuinikkut akileraartartoq nammineerluni nalunaarusiornissaminut naammaginartumik piffissaqalertinneqassasoq.

Tulliullugu Deloitte-kkut aperipput, Akileraartarnermut ingerlatsivik tulliuuttuni qanoq inissimalissava, tassa suliffeqarfiit ataasiakkaat siunnersortaalu isumaqarparta, aalajangiinerugalarnermik missiliuinikkut akileraartussaataatsineq aalajangiiniviunersoq, taamaattumillu siusinnerusukkut nammineerluni nalunaarsuisimaneq piffissaliussaq atuuttussaataaassasoq. Assersuutigalugu imaatoqarataarsinnaavoq, Akileraartarnermut ingerlatsiviup ukiup siuliani nammineerluni nalunaarsuut atuukkunnaartillugu missiliuuteqarnikkut akileraarusiisooq. Tamanna siusinnerusukkut nammineerluni nalunaarsuuinissami killiliussamit iluarsiiisutitut isigisariqalissavaa, naak ukiuni kingullerni piffissaq eqqorlugi tunniussisoqartarsimagaluaq, Akileraartarnermut ingerlatsiviullu tungaanniit iluarsiiisuteqarnissamik piumasaqaatitaqarfiusimanngitsumik?

Aalajangersagaq tamanna atuutinneqaannassappat, Deloitte-kkut siunnersuutigivaat, akileraartussaataaasoq (siunnersortaalu) arlaannik atortussinneqassasut, imaluunniit allaffigineqassasut, nammineerluni nalunaarsuiffissamik assigisaanilluunniit, tasanilu ersarissumik allaqgassalluni, pineqartup tunniussinissaa siuartinneqarsimanersoq.

Aallaqqaasiutitut ersarissarneqassaaq, § 16, imm. 4-tut siunnersuut, taamaallaat "ukiup siulianut tunngasuummat", taamaammatt missiliuilluni akileraarusiineq, ukiunut arlalinnut utimoortoq, tamanna tunniussinissamat siuartitsinerussanngilaq.

Missiliuilluni akileraarusiisoqassatillugu tamanna akileraartarnermut ingerlatsivimmi allaffissornikkut nukinnillu annertuumik atuiffiusussaavoq, taamaammallu piffissaagallartillugu nammineerluni nalunaarsuutiniq tunniussisarnissaq angorusunnarneruvoq. Taamaammallu aalajangersagaq atuutsinneqaannassaaq.

Deloitte-kkut oqaaseqaataat pissutaallutik inatsimmut oqaaseqaatit ersarissarneqarput, taamaalluni massakkut aalajangersakkap qanoq atortinneqarnissaa ersarissilluni.

Akileraartussaataasut ukiui nikingasunut, aamma piffissarititaasut ukiuni nikingasumik akileraartassaataasutulli aamma sivitsorneqarnissaat pisariaqaraluarpoq, taamaattussatummi isigigatsigu.

Oqaaseqaatit allannguinnissamik pisariaqartitsippat. Akileraartarnermut inatsimmi § 12, imm. 2 naapertorlugu Akileraartarnermut Aqutisioqarfik pisinnaatitaavoq, piginneqatigiiffiit (selskaber, peqatigiiffiit il.il., qinnuteqarnermikkut ukiut isertitaqarfiusoq allannortissinnaavaat qaamatisiutit maligunnaarlugit. Pisinnaatitsinermut atatillugu akileraartarnermut ingerlatsiviup nammineerluni nalunaarsuutiniq tunniussinissami, taamatullu aamma akileraarutaasussatut aalajangiussap qaqugukkat akilernissaanut immikkut piffissaliussinnaatitaavoq. Aalajangersakkap oqaaseqaatitaa naapertorlugu imaappoq, piginneqatigiiffik (selskab), peqati-giiffik il.il., naatsorsuutimigut ukiumik nikingasumik atuisinnaatitaasoq, nammineerluni nalunaarsuutiminik ukiup naatsorsuuteqarfiup naammassineraniit kingusinnerpaamik qaammatit marluk qaangiuppata tunniussisussaavoq, tamatumalu kingorna akileraarut akiligassaa naat-sorsuutit ukiuta naammassineratigut qaammatit 10-t qaangiuppata akiligassaalluni.

§ 30a-mut 34a-mullu Deloitte-kkut oqaaseqaatigivaat, aqqissuussineq allaffissornikkut inuutissarsiutaatilinnik equinerluttuusooq, tamatumani nalunaarsuinissap siunertaa ersarissumik takujuminaassinnaammatt, tamannami pensionisiaqalernissami aningaasaateqarfimmit piginneqatigiiffinnillu aqunneqartariaqaraluarmaat.

Deloitte-kkut oqaaseqaatigivaat, inatsisissatut siunnersuut naapertorlugu A-skatitut akilikkaniq qanoq annertutigisooq, taakunungalu attuumassuteqarnersoq nalunaarsuusiugassaammatt. Nunamimi allamioq sulisuusooq nunami allamiit pensionisiassani tigusussanngorpagit Kalaallit Nunaaniinnersooq apeqqutaalertussaassaaq.

Inatsisissatut siunnersuummi ersinngilaq, qanoq annertutigisumik nalunaarsuisoqassanersooq, nalunaarsuinissarli inatsisissatut siunnersuummituulli annertutigissappat, taava akileraartussaataasut pillugit pensionisisaqalernissaannit paasissutissat tamarmiusut pineqarnissaat ili-

magisariaqarluni, tassa Kalaallit Nunaanniinnerisa (qanoq sivikitsiginersaq sivilutigionersorluunniit apeqqutaatinnagu) nalaanni ikisaasimasussat, nalunaarsuutillu tamakku toqqortarineqartariaqassallutik pineqartut toqqukut qimagussimanerisa qulakkeernissaat tikillugu.

Tamakku saniatigut Deloitte-kkut aamma sulianut tunngasutigut apeqquteqarput, kisitsisinuku suut nalunaarutaassasut, tassa skatimut atatillugu pensionisiassanut akilikkat naatsorsuusior-nissaat eqqarsaatigalugu, tamatumani inummut nalinginnaasumillu ilanngaatit eqqarsaatigalugit.

Oqaaseqaat ilaatigut akuersaagaavoq. Siunnersuutgineqarpoq, pensionisiassanut akiliutit pillugit nalaarsuinerit aatsaat 2018-mi januaarip aallaqqaataani atuutilersinneqassasut, taamaalillutik sulisitsisut akileraarutitigullu ingerlatsiviit piareersarluarnissaminnut piffissaqarluaqqullugit. Sulisitsisut 2018-mi januaarimi 2017-mi pensionisiassatut akiliutaasimasut pillugit paasissutissat nalunaarusiussavaat.

Pensionisiaqalernissamut aqqissuussinertigut sulisitsisut nalunaarusiortalernissamik inatsit aqqutigalugu sulisitsisut aningaasartuuteqalernissaat eqqortuuvoq. Aningaasartuutis-salli akissarsiatigut iluarsiinertigut ataasiaannartumik aningaasartuutissaassasut naatsorsuutigineqarluni. Nalunaarusiortarnissami ingerlaavartumik aningaasartuuteqartoqarnissaa killeqartussaassapput.

Siunnersuut 2016-mi upernaakkut Inatsisartut ataatsimiinneranni nunani allani pensioni-saqarlernissamik aqqissuussiviit akileraaruteqartilernissaannik allannguinerata malitsigivaa. Nalunaarsuiffissaq pingaartumik inuit nunani allani, matumani qallunaat nunaat ilanngullugu, pensionisiaqalernissaminni akiliutaasa akileraarutaasimanerannut uppernarsaatissaqalernissaat siunertaavoq. Pensionisiaqalerfissamiimmik tigusinissami tamanna akileraaruteqartussaannnginnerinut tamanna piumasaqaataammat.

Grønlandsbanken

Grønlandsbankip maluginiaquaa, pensionisiaqarfissanut inummullu sillimmasiisarfinnul-luunniit akiliutaasut nalunaarutaasalernissaanik siunnersuutip kingunerisaanik, aningaaseri-viup akissarsiatigut atortorissarutaa allanngortittariaqalissammat. Aningaaseriviup tamatumunnga atatillugu maluginiaquaa, akissarsialerissutip allanngutinnissaani qaammatit pingasut missaat atorineqartariaqassammata, aningaaseriviullu inatsisissatut siunnersuutikkut sulisitsisut iluarsisuteqarnissaminnut periarfissaqartitaannginnerat isorinnissutigalugu.

Oqaaseqaat ilaatigut akuersaagaavoq. Soorlu Deloitte-kkut tusarniaanermi akissutaannut akissuteqarnermi takuneqarsinnaasoq, inatsisissatut siunnersuutip tassunga tunngasortaa aatsaat 2018-mi januaarip aallaqqaataanut atuutilersinniarneqarpoq.

Akileraartarnermut ingerlstiviit inatsisissatut siunnersuutituulli nalunaarsuiffeqalissapput, tassa inatsisissatut siunnersuutip § 30a naapertorlugu inuit ataasiakkaarlutik pensionisiassamitut akiliutai pillugit.

Inatsisissatut siunnersuutikkut Namminersorlutik Oqartussat paasissutissatigut annertuumik sillimaniarnikkut iliuseqarniarput, taamaalillutillu pisortaqarfiit aningaasaqarnikkullu sullisiviit innuttaasunut sullitanullu eqqorneqartunut paasissutissatigut ajutoortoqartillugu nalunaaruteqartalissallutik. GrønlandsBanki tamatumani isumaqataavoq.

Oqaaseqaatit allannguinnissamik kinguneqanngillat.

Grønlands Erhverv (GE)

GE-p tunniussinissamik ullut allannguuteqartinneqarsinnaanissaat tunngaviatigut iluarismaarpaa, siunnersuutip § 16, imm. 3-ani ikkunneqarsimasutulli. GE tamatumunnga atatillugu Deloitte-kkut siunnersuutaat isumaqatigivaa, tassalu § 16, imm. 3. nr. 3. aamma killilimmik akileraaruteqartussaataasunut atuutsinneqarnissaa.

§ 16, imm- 4-mut atatillugu soorlu siunnersuutip ”Pingaarnertut imarisai”-ni taamatullu aalajangersagaq pillugu oqaaseqaataasuni oqaatigineqartoq/taatsiarneqartoq, suliffeqarfiit, akileraartarnermik ingerlatsivimmiit missiliuuteqarfialugit akileraarusiiffiigisimasai, nammineerluni nalunaarusiornissamut maajip aallaqqaataa atuutsinneqassasoq.

Tamatumanilu patsisigitinneqarluni, imaasinnaammat ukiup tullissaani aamma suliffeqarfik missiliuuteqarfiusumik akileraaruserneqartariaqalissasoq.

Taamatulli peqquteqarniarneq imaaliallaannaq akuersaarneqarsinnaanngilaq. Soorunalimi ukiumi aalajangersimasumi taamaaliortoqartariaqartoqarsimaneranut suna patsisaanersoq peqqu-taalluni, taava nammineerluni nalunaaruteqarnissamut maajip 15-at/juunip 15-at, suliffeqarfiup nammineerluni nalunaarusiornissaani piukkunnarnerupput, taamalu missiliuuteqarfiusumik akileraarusiinissaq pisariaqarunnaassalluni. Taamaammat GE-miit innersuusutigineqarpoq, aalajangersagaq taanna nalilersuiffigeqqinneqassasoq.

GE-p oqaaseqatai matumani iluarsiiissutanngillat. Suliffeqarfiit amerlanersaat tunniussisarput – sapinngisaminnilluunniit tunniussisarput – piffissaq eqqorlugu nammineerlutik nalunaarutiminnik, tamannalu pitsaasuvoq.

Tamannali suliffeqarfippaalunni unamminartuulluni, imaakkajuppormi, uteqqiasumik nammineerlutik nalunaarutissaminnik (amerlasuutigut) kingusinaartartunik tunniussisartut imaluunniit nammineerlutik nalunaarutissaminnik tunniussineq ajuissut. Tamatumani suliffeqarfimmi sulisoqarniarnikkut ajornartorsiuteqarneq peqquataasinnaavoq, ilaatigullu aamma

piumassuseqannginneq imaluunniit maleruagassanik malinnissinnaannginneq pequtaasinnaasarluni.

Suliffeqarfinnut missiliuuteqarfiusumik akileraarusiiffiusimasunut nammineerluni nalunaarsuiffimmik tunniussinissap siuarterinneratigut anguniarneqarpoq, akileraartarnermut ingerlatsivik akileraarusiinissap iluani, nutaanik uteqqiasumik takkuttuartunut missiliuuteqarfiusumik akileraarusersuinissaminut piffissaqarnerulissamat.

Deloitte-kkut tusarniaanermut atatillugu pisup assinganut oqaaseqaataannut akissut inner-suusutigineqassaaq.

§ 44, imm. 4 naapertorlugu akileraarutininik akiliivallaarsimasunut akileraaruseriffiit ernianik akiliisussaatitaanerit, atuuttussaangitsutut innuttaasoq aningaaserivimmi kontomik pilersitsisimangippat siunnersuutigineqarpoq. GE-p maluginiaqquaa, pisortat erniat tamakku akilertussagaat, akileraartarneq pillugu inatsisip § 25, imm. 4-mi § 26, imm. 2-milu piffissaliussat qaangerneqarsimappata.

GE-p erseqqissarpaa, pissarititaasoq allatut aqqiiffigineqartinnagu – soorlu akileraartartup akiliivallaarsimaneratulli – pisortaa sunut – aningaaserivikkut nuutsinermut sanilliullugu akuerisaappat (nalinginnaasumik akiliinertut akuerisaasoq), imaattoqarpallu, akileraartartoq aningaaserivimmi kontomik pilersitsisimangitsaq, tamatumuuna tigusassaartoq ernianik pisinnaatitaaffiligaasinnaangilaq, taamalu akileraartarnikkut oqartussaasut pisinnaatitaaffilerlugit akileraarutininik akiliivallaarsimanermi ernianik pisassaraluanik atuuttussaatsiunnaartillugit.

Peqatigitillugu isiginiaraanni, qanoq iliuusaasinnaasut – akiliisitsineqrit – akileraartarnikkut oqartussaasut suliffeqarfinnut kingusinaarlutik akileraarutininik tunniussisunut iliuuserisarta-gaat, akileraartarnikkut oqartussat qanoq sukkullu akiliisoqartarnissaanik piumasaqarsinnaatitaanissaat taamalu ernianik akiliisussaaqarnerlutik naammaginangilaq.

Taamaammat § 44, imm. 4 naapertorlugu akileraarutininik akiliivallaarsimasunut akileraaruseriffiit ernianik akiliisussaatitaanerit atorunnaartitaanissaanik siunnersuut GE-p akuersaarsinnaangilaa, tassa akileraartartoq aningaaserivimmi kontoqanngippat, allatut akiliisinnaatitaanerit atuutsillugit.

Oqaaseqaatit allanguuteqartitsinissamik kinguneqanngillat. Inatsisissatut siunnersuutip § 46a-kkut tunniussinerit tamarmik aningaaserivimmi nuutsinikkut siunissami pitalissapput. Innuttaasoq aningaaserivimmi kontomik inner-suusuteqarsimangippat, akileraartarnermut ingerlatsiviup innuttaasumut aningaasat tunniutassaraluit tunniussinnaangilai.

Aningaasaqarnermut naalakkersuisoqarfiup GE-p tusarniaanermi akissutaa tulliuuttoq paasivaa: GE imatut oqaaseqaateqarpoq, innuttaasoq aningaaserivimmi kontomik pilersitsisimangippat akileraartarnermut ingerlatsiviup akileraarutaavallaarsimasut tunniussinnaan-ngilai, soorlu innuttaasoq aningaaserivimmi kontoqanngimmat, imatut

kinguneqartinneqar-sinnaangilaq, taava akileraartarnermut ingerlatsivik ernianik akiliinngitsuussasoq (kingusinaartumik akiliisoqartillugu), imaammammi allatigut nalinginnaasumik akuerisaasunik akiliisinnaaneq sulii atuuttoq.

GE-p tamatut isummernerminut patsisigivaa, obligationit pillugit inatsisitigut pisussaasumut ernialiisarneq eqqarsaatigigaanni, tassa pisussaataasooq akiliisussamut arlaatigut akornusersuippat. GE-lli tusarniutaasumi akissutaani isummerfigineqanngilaq, pisortat tunniussassat pineqarmata, akileraartarnermut inatsit toqqammavigalugu aqqitaasut. Inatsisissatut siunnersuutip § 46a, imm. 2-ani, annertuuliuutaanngitsumik isiginiarneqarpoq, innuttaasooq suliffeqarflluunniit aningaaserivimmi kontomik tunniussisimangippat naamaginangimmat, Nunatta karsiata aningaasooq pineqartoq ernialissagaa. Taamaattumik aalajangersagaqarto-qartinnagu, imaattoqarluarsinnaavoq, akileraartartoq aningaaserivimmi kontomik tunniussaqaannginnermigut, annertunerusumik ernialiisoqarnissaa neriuutigigaa, tassa aningaase-rivimmi assigisaaniluunniit uninngasuuteqarnerminiit.

Innuttaasooqarnissaa aningaaserivimmi kontoqanngitsunik ajornartorsiutaasussatut isigisariaqarsorinangilaq. Innuttaasooqassagaluarpammi aningaaserivimmi kontoqanngitsunik, ta-makku iluatsitsivallaarunnangillat, chekimmi akiliutaasinnaanerat atuukkunnaartussaavoq, allatullu akiliisinnaaneret, soorlu mobiilit atorlugit, nalinginnaasumik aamma tamatumani innuttaasooq aningaaserivimmi kontoqartariaqarmat.

Aammattaaq GE-p tusarniutaasumut akissutaa imatut paasisariaqarpoq, GE isumaqarmat, pisumi taamaattumi nunatta karsiata innuttaasumut ernianik akiliinnginnissaa naammaginangitsoq, kiisalu GE isumaqarmat, suliffeqarfiit pisussaaffii, iliuuseqarfineqarsinnaaneri pisinnaatitaaffillu akileraartarnermut inatsisip iluani naammaginartumik aqqitaasut, tassa akileraarutaavallaarsimasut il.il. tunniunneqarnissaat eqqarsaatigalugu.

Kalaallit Nunaanni akileraartarnermut malittarisassat iluanni nalinginnaasumik pisussaaffiit iliuusaasinnaasullu nunani allani pissutsinut naapertuuttuupput, Kalaallit Nunaannut pisarnertut nallersuuttakkatsinnut. GE-p tusarniummut akissuteqarnermini aamma ilanngutinngilaa, sutigut toqqamavilimmik inatsisitigut pissutsit naamaginaateqannginnerat.

Naalackersuisut inuutissarsiutaatilinnut akileraarusiisarnikkut malittarisassat allanngortinnissaat suliarivaat, tamatumani qulakkeerniarlugu, malittarisassat inuutissarsiutaatilinnut atukkuminarnerulernissaat. Taamaallit Naalackersuisut toqqammavilimmik siunnersuutit ammaffigivaat, tassa inuutissarsiutaatilinnut akileraarusiisarnikkut malittarisassat inuutissarsiutitigut siuarsaanissami ineriartortitsinissamilu qanoq allanngortittariaqarnissaat eq-qarsaatigalugit. §§ 30 aamma 34a atuutsilernissannut pisortat tungaanniit oqaaseqaatitigut toqqammavilimmik saqqummiussisoqartinnagu, GE isumaqarpoq – Deloitte-kkut juunip 12-ni

ukioq manna oqaaseqaataat assigalugu – nalunaarsuiffeqalernissamik siunnersuutit qulaaniit naqitsinerusut, allaffissornikkullu naammaginangitsumik suliakkersuutaassasut.

Oqaaseqaatit allannguuteqartitsinissamik kinguneqanngillat. Nalinginnaasumi oqaaseqaatini takuneqarsinnaavoq, aalajangersakkat suna siunertarineraat. Matuma siuliani innersuussutigineqassaaq immikkoortoq "Inummut paasissutissanik nalunaarsuineq". Tamatuma saniatigut Deloitte-kkut tusarniummut eqqartugaq pillugu akissutaat innersuussutigineqassaaq.

Nutaatut § 35a-mi imm. 7-ikkut siunnersuutigineqartutut, inuk pineqartoq pillugu paasissutissiissutit unioqqutinneqarpata paasitinneqassaaq, "imaattoqarsinaappat, (GE-p ersarissaataa) unioqqutitsineq... imaluunniit inuttut pisinnaatitaanera."

Oqaaseqaatitigut takuneqarsinnaanngilaq, kiap imaattoqarsinaanera nalilersuiffigissagaa, kii-salu imaattoqarsinnaanera suut toqqammavigalugit naliliiffiusanersoq, taamaalillunilu aalajangersagaq iluaqutissartaqarpallaarani, innuttaasullu inatsisitigut illersugaaneramik innarliisuulluni.

Siunnersuummi § 35a-mi imm. 8-mut oqaaseqaatitigut takuneqarsinnaavoq, tamanna aqqutigalugu "suliffeqarfiit inuk kinaassusersigunikku pinngitsooratik paasititsisussaatitaanerat eqqunneqarpoq ..."

Inatsisip kapitali 18 naapertorlugu aalajangersakkakkut matumuuna paasititsisussaatitaanerup eqqortinneqanngineratigut akiliisussanngortitaasoqarsinaammat imaluunniit allatut iliuuseqartoqarsinnaalermat, naammaginangilluinnarsorinarpoq, suliffeqarfiit akisussaaffiata oqaatsip "kinaassusersiineq" saniatigut ersarissumik killiliussaqaanngimmat.

Tamanna naammaginangilluinnarpoq, pisortanullumi aamma ajornartorsiutaalersinnaalluni, tassa inatsisip kapitali 18-at malillugu pinerluttaalisitsinermi inatsit aallaavigalugu iliuuserineqarsinnaasut toqqammavissaqartinniarnersigut.

Oqaaseqaatitaqanngilaq. § 35 a imm. 7-mut aamma 8-mut peqqutaavoq Kalaallit Nunaat, nunaarsuaq tamakkerlugu akileraartarnermut tunngasutigut il.il. paasissutissiisussanngormalli, ilaatigut aningaaseriffinniit paasissutissanik aallertoqartarmat. Paasissutissat tamakku nunani allani pisortanut paarlaasseqatigiinnikkut ingerlateqqinneqartarput.

Katersineq tamarmi paasissutissanillu paarlaasseqatigiittarneq aammattaq mianernartortaqarpoq, tassa paasissutissatigut sillimaniarnermut atatillugu. Aalajangersakkakkut siuner-taavoq, paasissutissatigut aningaaseriviit pisortaqarfillu il.il. paasissutissatigut ajortoqarnerani nalunaaruteqartarnissaannik piumasaaqateqarnikkut sillimaniarneq annertusarniarneqarpoq.

Oqaatigineqassaaq, aalajangersakkap oqaasertalerniarnera qallunaat akileraartarnikkut nakkutilliinermi inatsisaannut naapertuuttunngorsagaammat, taannalu aamma EU-p inatsisaannut naapertuuttunngorsagaalluni. Aalajangersakkami taamatut tunngaviusumik oqarsertaliinikkut qulakkeerniarneqarpoq, aalajangersagaq nunarsuit akornanni paasissutissiisarnermut tunngasutigut atuuttunut naleqqussaaneruvoq, taamatullu sapinngisamik qaffasissumik illersuutissaqarniarnissaq pingaartillugu.

BK Kukkunersiuisut

BK-p siunnersuutigivaa, akileraarutit ingerlanneqarneri pillugit inatsisartut inatsisaanni § 16-p allanngortinnerani piginneqatigiiffinnut ukiuni nikingasuni naatsorsuutilinnut atatillugu kinguartitsinermi aalajangersakkanut aamma ilaatinneqassasoq.

BK-p tunngavilersuutigivai:

- Piginneqatigiiffinnut ukiuni nikingasuni naatsorsuutilinnut tamanna tulluassasoq, tassa inatsimmi ersippat, qaqugukkut kingusinnerpaamik nammineerluni nalunaarusiortar-nissat, ilaatigullu
- 2017-miit ammaneqartussaammat, kikkulluunniit angerlarsimaffiminniit 1 koruuni atorlugu piginneqatigiiffilorsinnaalernissaat, naatsorsuutigineqarsinnaassasorlu, piginneqatigiiffippassuanngorumaartut assigiinngitsunik naatsorsuutimikkut naam-massiniffiusarumaartussanik.

Deloitte-kkut GE-llu tamakku pillugit tusarniutaasumutoqaaseqaataat innersuussutigineqar-put.

BK-p oqaatigivaa, inuutissarsiutaatilinnut iluaqutaassajunnaraluartoq, namminneq qaquguk-kut naatsorsuutitik naammassisarnissaat aalajangertassallugu, tamannalu akileraartarnermut inatsimmi allassimasariaqaraluartoq. Piffissanngorunaraluarporlumi Akileraartarnermut Aqut-sisoqarfiup tamanna suliarisinnaassappagu.

Ukiup naatsorsuuteqarfiup qaammatisiutit malinnagit atorneqartarnera isertitatigut akile-raartarnermut inatsisip § 12, imm. 2-a naapertorlugu Akileraartarnermut ingerlatsiviit aku-ersissutigisussaavaat. Ukiuni nikingasuni naatsorsuuteqartarnerup atugaanerulerneratigut pisariaqalissaaq, maleruagassatigut qulakkeerinninnissaq, tassalu piginneqatigiiffiit akile-raartarnikkut iluatsitsisarnissaat ugartugaasinnaajunnaarlugu, soorlu sivisunerusumik akiit-soqarsinnaanikkut assigisaatigulluunniit, ukini nikingasuni naatsorsuuteqarnissartik toqqas-sagunikku. Akileraartarnermut ingerlatsivinnut soorunalimi piginneqatigiiffiit (innutaasullu) assigiimmik atugassaqartitaanissaat allaffissornikkut ajornaannerpaassaaq, soorlu nammi-neerluni nalunaarsuiffissat il.il. nassiussuunnissaasigut. Naatsorsuutit nammineq qaqugukkut naammassinissaat pillugumassakkut ingerlatsinissaq pilersaarutaanngilaq.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut.

Siunnersuut Kommuneqarfik Sermersuup KANUKOKA-mut ilaasortaajunnaarnerata kinguneraa. Taassuma saniatigut kattuffiit aqqi nutaanngortinneqarput, GE siusinnerusukkut GA-jusimasoq kiisalu NUSUKA siusinnerusukkut ILIK-iusimasoq.

Oqaatsinik ”kommunit peqatigiillutik”-nik erseqqissarneqarpoq, kommunit ataatsimut peqatigiillutik Skatteråd-imut ilaasortassamik ataatsimik innersuussisassasut.

Nr. 2-mut.

Akilerartussaataitaasut nammineerluni nalunaarsuiffimminnik akileraaruseriffimmut qaqugukkut nassiussinissaannik piffissaliussat assigiinngitsut § 16, imm. 3-mi aalajangersakkatut siunnersuutikkut aalajangersarneqarput.

Nammineerluni nalunaarusornissamat piffissaliussatigut malittarisassat tamakkiisumik killilimmillu akilerartussaataitaasunut atuupput.

§ 16, imm. 3, nr. 1-imi siunnersuutaavoq akilerartartup siunnersuummi § 16, imm. 3, nr. 2-3-mi pineqartunut ilaanngikkuni, nammineerluni nalunaarsuiffini kingusinnerpaamik 1. maj nassiutissagaa.

§ 16, imm. 3, nr. 2-mi siunnersuutaavoq inuit namminersorluni inuussutissarsiummik ingerlataqartut nammineerluni nalunaarsuiffimminnik akileraaruseriffiup ilitersuinera malillugu, elektronikkimik atortorissaarutit atorlugit nalunaarutiginnittussat, nammineerluni nalunaarsuiffitsik kingusinnerpaamik 15. maj nassiussinnaagaat.

§ 16, imm. 3, nr. 3-mi siunnersuutaavoq selskabit aamma peqatigiiffiit il.il. nammineerluni nalunaarsuiffimminnik akileraaruseriffiup ilitersuinera malillugu, elektronikkimik atortorissaarutit atorlugit nalunaarutiginnittussat, nammineerluni nalunaarsuiffitsik kingusinnerpaamik 15. juni nassiussinnaagaat.

Suliffeqarfik nammineerluni nalunaarsuiffimmik pissusissamisoortumik nassiussinissamat nr. 2-mi 3-milu piffissaliussat iluanni nassiussinngippat akileraarutissanut tapiliussamik, akileraaruserinermik ingerlatsineq pillugu Inatsisartut inatsisaanni § 19 naapertorlugu akiligassinneqarsinnaavoq.

Imm. 3-mut

§ 16, imm. 4-tut siunnersuummi allaqqavoq namminersorluni inuussutissarsiummik ingerlataqartut il.il., akileraaruseriffiup ukiup siuliani aningaasarsiaannik missingersuiffigisimasaasa nammineerluni nalunaarsuiffik 1. maj tunniutissagaat.

Aalajangersakkap oqaasertaasigut takuneqarsinnaavoq, missiliuuteqarluni ukiup siulianik siusinnerusumut akileraarusiinikkut, aalajangiinerup kingunerissanngikkaa, suliffeqarfik maajip aallaqqaataa siuoqqullugu nammineerluni nalunaarsuissanngitsoq.

Akileraarnermut ingerlatsivik missiliuuteqarluni akileraarusiinermut peqatigitillugu, nalinginnaasumik ilitersuussinissamut pisussaaffimmuq peqatigitillugu, suliffeqarfik siunnersortaalu ilisimatissagai, aalajangiinerup kingunerissagaa, ukiumut tullermut nammineerluni nalunaarusiornissaq kingusinnerpaamik maajip aallaqqaataani tunniunneqassasoq.

§ 16, imm. 4-miit 6-mut tassaalissapput imm. 5-miit 7-mut, tassa nutaamik § 16, imm. 4-tut ikkusinerup malitsigisaanik.

Nr. 4-mut.

Aammattaq § 16, imm. 4-mik, matuma kingorna imm. 5-nngortussamik allanngiueq iluarsiineruvoq, akileraartartup § 16, imm. 3-mi normumi sorlermi pineqarnera aallaavigalugu nammineerluni nalunaarsuiffimmik nassiusinissamut piffissaliussamik pissuteqartoq.

Nr. 5-mut.

Siunnersuutaavoq § 30, imm. 1, nr. 3 atorunnaarsinneqassasoq. Siunnersuut inatsisissatut siunnersuummi immikkoortoq 5-ip kinguneraa.

§ 30, imm. 1, nr. 4-6 matuma kingorna tassaalerpoq § 30, imm. 1, nr. 3-5.

Nr. 6-imut.

Kikkulluunniit suliffeqarfiuminik aningaasarsianik, Aningaasarsianit akileraarutit pillugit Inatsisartut inatsisaanni § 75, imm. 1-imi 2-milu taaneqartunik akissarsisitsisut, sulisunut ataasiakkaanut tunngatillugu soraarnerussutisiaqarnissamut imaluunniit inuunermit sillimmasiinermit aqqissuussinermit akiliutigineqartut tamarmiusut pillugit paasisutissat ukiut tamaasa, januarip qaammataa naatinngu suliarissavaat nassiullugillu.

Nalunaarutip imarissavai inuup pissarsisup inuttut normua, aqqa, najugaa, kommuni akileraarfia paasisutissaajunnartullu allat pissarsisup kinaanerani paasinninnissamut pisariaqartut. Nalunaarummi nalunaarneqassapput soraarnerussutisiaqarnissamut akiliutit akileraarutaajunnartullu A-t katinneqarneri. Tassa imaappoq kisitsisit nalunaarummiittut katinnerisa ilaatigut qaammammoortumik nassuiaatini kisitsisit, ilaatigullu unerartitsisussaataasup naatsorsuutaani kisitsisit assigissavaat.

Suliffeqarfiup ingerlanneqarnera unippat nalunaaruteqarneq kingusinnerpaamik pissaaq ukiu-
mi aningaasarsiorfiusumi ingerlareersumi akissarsianik tunniussinermiit kingullermiit ullut qu-
lit qaangiunneranni.

Nalunaaruteqartussaataaneq aamma kikkunnulluunniit atuakkiortunut, erinniortunut, eqqu-
miitsuliortunut, oqalugiartunut assigisaannulluunniit akissarsisitsisunut, suliffeqarfimmik at-
tartornermut attartorallarnermulluunniit akiliutinik, royaltiesinik, imaluunniit piginneqqaar-
tuunernik, ilisserutinik, nioqutissap meqqianik assigisaannilluunniit atuinermut akiliutinik
tunniussaartunut, akiliut ingerlaavartumik akiliutaanersoq imaluunniit ataasiaannavilluni aki-
lerneqarnerasoq apeqqutaatinnagu.

Soraarnerussutisianut akiliutit akunnermiliuttusoq aqutigalugu akilerneqarpata akunnermi-
liuttoq nalunaaruteqartussaataaassaaq, sulisitsisup paasissutissat tunniussinnaangippagit. Su-
lisitsisoq, immaqaluunniit akunnermiliuttoq ikiortissaminik sulisussarsiguni taassuma aqqa,
najugaa eqqortoq kiisalu inuttut normua pineqartumut piumasarissavai.

Nalunaaruteqarfigineqartussaq tassaavoq akileraaruseriffik.

Nr. 7-imut.

Akileraaruseriffiup soraarnerussutisiaqarnissamut imaluunniit inuunermut sillimmasiiner-
mik aaqqissuussinernut akiliutit pillugit paasissutissanik, sulisitsisunit il.il. unerartitsisussaataa-
sunit nalunaarutigineqartunik tamanik nalunaarsuinissamik peqquneqarnissaa siunnersuuta-
voq. Taassuma saniatigut aamma inuit soraarnerussutisiaqarnissamut imaluunniit inuunermut
sillimmasiiner-
mik aaqqissuussinernut § 39 a, imm. 2-mi piumasaqaatinik naammassinnittunut
akiliutigineqartut pillugit paasissutissat nalunaarsorneqarnissaat pillugu akileraaruseriffik qin-
nuigisinnaavaat. Piumasaqaataavorli inuup pineqartup akiliutigisimasaminik, aningaasarsiami
akileraaruteqaataasussat Danmarkimi, Savalimmiuni nunaniluunniit allani naatsorsorneqarne-
ranni tamakkiisumik ilaannakuusumilluunniit ilanngaateqartinneqarsimannginnini uppernar-
sassagaa .

Naalackersuisut nalunaarsuiffik pillugu, matumani ilanngullugit elektronikkimik atortorissaa-
rutit atorlugit nalunaarsuiffimmut nalunaaruteqartarneq pillugu aamma akileraaruseriffiup
paasissutissanik nalunaarsorneqarsimasunik ingerlatitseqqittarnera pillugu maleruagassanik
sukumiinerusunik aalajangersaanissamut piginnaatinneqarnissaat siunnersuutaavoq.

Nr. 8-imut.

Imm. 7-imut

Paasissutissat isumannaatsuunissaat unioqqutinneqartillugu ilisimatitsisussaane-
r-
mik maleruagassaq eqqarsaatigalugu, inun-
nut paasissutissat pillugit inatsit maleruagassanik paasissutissa-
nut akisussaasuusup paasissutissat isumannaatsuunissaasa unioqqutinneqarnerani taassumar-

piaap paasissutissiisussaataitaneranut tunngasunik imaqaanngilaq. Datatilsynilli periusaa tassaavoq, inunnut paasissutissat pillugit inatsimmi § 5, imm. 1-ip, paasissutissanik suliaqarnermi pitsaasumik periuseqarnissamut tunngasup kingunerigaa paasissutissanut akisussaasuusup inunnik eqqorneqartunik ilisimatitsisussaanaera.

Paasissutissanut akisussaasuusup ilisimatitsinissamik apeqqummik naliliinissamini Datatilsynip periaasia malillugu ilaatigut eqqarsaatigisariaqarpai paasissutissat suuneri, inunnullu eqqorneqartunut kingunerisinnaasai .

Paasissutissat isumannaatsuunissaat unioqqutinneqarsimatillugu, aammalu unioqqutitsinerup inuk pineqartoq taassumaluunniit inuttut inuunera pillugu paasissutissat illersugaanerannik akornusiisinnaanera ilimanaateqarpat tamatigut ilisimatitsisoqartassaaq .

Tamanna tunngavigalugu siunnersuutigineqarpoq paasissutissat isumannaatsuunissaat unioqqutinneqartillugu inunnik nalunaarsorneqarsimasunik, taakku pillugit paasissutissat eqqarsaatigalugit ilisimatitsisussaataitanermik atuutilersitsisoqassasoq, tassa unioqqutitsinerup inuk pineqartoq taassumaluunniit inuttut inuunera pillugu paasissutissat illersugaanerannik akornusiisinnaanera ilimanaateqarpat.

Aalajangersagaq isumaqarpoq akileraaruseriffiup ingerlatsiviulluunniit nalunaaruteqartussaataasup inuit, maleruagassat akileraaruserinermik ingerlatsineq pillugu inatsimmi § 35 a, imm. 1-6 naaportorlugit atuutilersinneqarsimasut malillugit akileraaruseriffimmut paasissutissiisutigineqartussat, paasissutissat isumannaatsuunissaat unioqqutinneqarsimatillugu ilisimatitussaassagai.

Unioqqutitsinerup inuk pineqartoq taassumaluunniit inuttut inuunera pillugu paasissutissat illersugaanerannik akornusiisinnaanera ilimanaateqartillugu ilisimatitsisoqartassaaq.

Ilisimatitsisussaataaavoq paasissutissanut akisussaasuusoq, paasissutissat isumannaatsuunissaannik unioqqutitsinermi pisuusoq, ilisimatitsinerlu pissaq paasissutissat isumannaatsuunissaannik unioqqutitsinerup inuit pillugit paasissutissat illersorneqarnerannik ajoqusiisinnaanera ilimanaateqarnera paasineqarniarpat. Tassa piviusoq imaa paasineqassaaq, akileraaruseriffiup ingerlatsiviulluunniit nalunaaruteqartussaataasup paasissutissat isumannaatsuunissaat unioqqutinneqartoq, tamannalu inuit pillugit paasissutissat illersugaanerannik ajoqusiisinaasoq paasiguniuk, taava akileraaruseriffiup ingerlatsiviulluunniit nalunaaruteqartussaataasup inuit eqqorneqartut ilisimatissallugit pisussaavoq. Pisussaaffik taanna atuutiinnassaaq, aamma unioqqutitsineq inunnut amerlanerusunut suli kinaassusersineqanngitsunut tunngagaluarpalluunniit. Taamaattoqartillugu ilisimatitsisussaataasup inuit, paasissutissat isumannaatsuunissaannik unioqqutitsinermi eqqorneqarsimasinnaasut tamaasa ilisimatissavai.

Akileraaruseriffiup suliffeqarfiillu nalunaaruteqartussaataitanermi pineqartut qulakkiissavaat isumannaatsuunissamik unioqqutitsinerup maleruagassat atuuttut naaportorlugit suliarineqar-

nissaa. Tamanna atuutissaaq akileraaruseriffimmut ingerlatsivinnullu nalunaaruteqartussaati-taasunut namminernut, aammalu paasissutissanik suliaqartartunik susassaqtartunik isumaqati-giissuteqarnerni.

Ilisimatitsineq pissaaq inuup eqqorneqartup toqqaannartumik nalunaarfigineratigut, paasissu-tissanillu pineqartup soqutigisaminik isumaginninnissaanut naammattunik imaqaassalluni. Maleruagassamik taassuminnga siunnersuuteqarnermi siunertaavoq inuup eqqorneqartup so-qutigisaminik isumaginnissinnaanissamut periarfissaqarnissaa, taamaammallu takorloorneqar-poq ilisimatitsineq tunngavissaqanngitsumik nangaasooruteqarani pisassasoq, tassa unioqqu-titsinerup inuit pillugit paasissutissat inuilluunniit inuttut inuunerisa illersugaanerannik akor-nusiisinnaanera ilimanaateqartillugu.

Paasissutissat isumannaatsuunissaannik unioqquutitsisoqartillugu ilisimatitsisussaatitaanermik atuutilersitsineq nalunaarsorneqarsimasut inatsisitigut illersugaanerannut ilaatigut pitsannguu-taassaaq, inunnulli paasissutissat pillugit inatsimmi maleruagassanut, matumani aamma § 5, imm. 1-imut, paasissutissanik suliaqarnermi pitsaasumik periuseqarnissamut aamma isuman-naatsuunissamik unioqquutitsisoqartillugu periusissamut tunngasumut tapertaasutut isigineqar-tariaqarluni.

Imm. 8-mut

Ingerlatsiviit nalunaaruteqartussaataasut paasissutissanik akileraaruseriffimmut nalunaaruti-gineqartussanik katersinerminni paasissutissiisussaatitaanerannut tunngatillugu, inunnulli paa-sissutissat pillugit inatsimmi kapitali 8 paasissutissanut akisussaasuusup paasissutissiisussaa-nera pillugu maleruagassanik nalinginnaasunik imaqarpoq. Paasissutissiisussaatitaneq pillugu maleruagassat ima paasineqassapput, paasissutissanut akisussaasuusup qinnuigineqanngikka-luarluni nalunaarsorneqarsimasoq ilisimatissagaa, pineqartoq pillugu paasissutissat qanoq pi-neqarnerat pillugu.

Taamaammat ingerlatsiviit nalunaaruteqartussaataasut inunnulli paasissutissat pillugit inat-simmi §§-it 28 aamma 29 naapertorlugit pisussaapput, ingerlatsiviit nalunaaruteqartussaataitaasut paasissutissanik katersigaangata nalunaarsugaasumut tamanna pillugu nalunaaruteqartas-sallutik.

Inunnulli paasissutissat pillugit inatsimmi §§-it 28-miit 30-mut, nalunaaruteqartussaati-taanermi pineqanngitsut pillugit arlaqartunik imaqarput.

Aningaasaqarnikkut ingerlatsiviit nalunaarutigineqartussaq peqqussutaasumi maleruagassat malillugit tamatigut ilisimatittassavaat.

Tamanna tunngavigalugu siunnersuutigineqarpoq ingerlatsiviit nalunaaruteqartussaataasut pinngitsuunngivillutik ilisimatitsisussaatitaanissaannik atuutilersitsisoqassasoq, tassa ingerlat-siviit inuk imaluuniit selskabi, maleruagassat akileraaruserinermik ingerlatsineq pillugu inat-

simmi § 35 a, imm. 1-6 naapertorlugit atuutilersinneqarsimasut malillugit akileraaruseriffimmut nalunaarutigineqartussaasoq kinaassusersigaangassuk.

Aningaasaqarnikkut ingerlatsiviup nalunaaruteqartussaataasup paasissutissiisussaataani taanna qinnuigineqanngikkaluarluni naammassissavaa. Pisussaaffik naammassiumallugu sullissisunik atuisoqartillugu ingerlatsiviup nalunaaruteqartussaataasup, ilisimatitsinerup inatsit naapertorlugu pinissaanut akisussaanini attatiinnassavaa.

Ilisimatitsinerup minnerpaamik imarissavai paasissutissat inuup, inunnt paasissutissat pillugit inatsit naapertorlugu pissarsiarisinnaasaasa assingi. Inuk eqqorneqartoq toqqarlugu ilisimatinneqassaaq.

Tamanna aamma isumaqarpoq pisuni ataasiakkaani pissarsisussaq eqqarsaatigalugu nalilerneqartassasoq, paasissutissiisoqassanersoq taamaassappallu paasissutissat aamma suut allat tunniunneqassanersut, taamaalilluni inuk eqqorneqartoq soqutigisaminik isumaginnissinnaaqqullugu.

Ilisimatitsineq inuk soqutigisaminik isumaginninnissamut piffissaqarluartillugu pisassaaq, tamannalu tamatigut pissalluni paasissutissat akileraaruseriffimmut nassiunneqannginneranni. Paasissutissat allaganngorlugit tunniunneqarnissaannut piumasaqaateqanngilaq, ilisimatitsinerulli pisariaqartup inatsit naapertorlugu pisimanera ingerlatsiviup nalunaaruteqartussaataasup nalornissuteqartoqartillugu uppersarsinnaasariaqarpaa.

Pinngitsoorani ilisimatitsisussaataani atuutilersitsineq nalunaarsorneqarsimasut inatsitigut illersugaanerannut ilaatigut pitsannguutaassaaq, inunnulli paasissutissat pillugit inatsimmi maleruagassanut tapertaasutut isigineqartariaqarluni .

Paasissutissanik katersinermi aamma paasissutissat isumannaatsuunissaannik unioqqutitsisoqarnerani ilisimatitsisussaataaneq inunnt, taamatullu aamma inatsisit malillugit inuttut isigineqarsinnaasunut atuuppoq.

Nr. 9-mut.

Siunnersuut Kommuneqarfik Sermersuup KANUKOKA-mut ilaasortaajunnaarnerata kinguneraa.

Kommunit akileraarutitigut iluanaarutissaannik nalimmassaanermut isumaqatiginninniarnersit siunissami Naalakkersuisut kommunillu akornanni isumaqatiginninniutaasassapput. Isumaqatiginninniarnermi kommunit kattuffimmik sinniisoqassapput imaluunniit aallartitamik sinniisoqassallutik.

Nr. 10-mut.

Imm. 1-imut.

Aalajangersagaq siunnersuutigineqartoq nutaajuvoq.

Akileraarutininik, akitsuutininik, akiliutininik il.il. akiliutaavallaarsimasunik akileraartarnermut ingerlatsiviup utertitsiniarluni akiliiffigisassaanik, akileraartartoq bankkontomik innersuussinissamut pisussaatinneqassaaq. Akileraartartup aningaaserivini allanngortikkuniuk il.il. bankkontoni nutaaq, akileraartarnermut ingerlatsivimmuut nalunaarutigissavaa, akileraartarnermullu ingerlatsiviup konto nutaaq akiliiffigisassavaa.

Akileraartartup bankkontomut innersuussaanut aningaasanik akiliineq akileraartarnermut ingerlatsivimmik akisussaasuujunnaartitsissaaq. Akileraarutaavallaartunik il.il. pisassarisat akilerneqartarput, akileraartarnermut ingerlatsivik innuttaasup kontomut innersuussaanut ikisigaangat. Tamanna aamma atuuppoq aningaasat akileraartartup konto atorunnaagaanut akilerneqarpata, s.i. innuttaasooq aningaaserivimmuut allamut nuussimappat, bankkontomillu nutaamik innersuussisimanani.

Imm. 2-mut.

Akileraartartoq kontomik aningaaserivimmi Danmarkimi, Savalimmiuni imaluunniit Kalaallit Nunaanniinngitsumi innersuussisimappat, akiliinermut atatillugu aningaasartuutaanerusunik aningaasanit ilanngaasoqarsinnaavoq, matuma ataani bankimut akiliutit, aningaasanik tarsiisitsinermut atatillugu akiliutit allat, aningaasanik taarsiisitsinermi annaasat il.il.

Aningaasat nuutassat aningaasartuutinit ikinneruppata, akileraartarnermut ingerlatsiviup aningaasat kontomut innersuussamut ikinngitsuuinnarsinnaavai. Tamanna pillugu akileraartartoq nalunaarfigineqassaaq. Taamaattoqartillugu akileraartartoq bankimi Danmarkimiittumik, Savalimmiuniittumik imaluunniit Kalaallit Nunaanniittumik kontomik innersuussinissaminut periarfissaqassaaq, tamanna pineqartoq taakku arlaanni kontoqarpat imaluunniit kontomik ammaasinnaappat.

Paatsoortoqanginnissaa piniarlugu siunnersuutigineqarpoq erseqqissarneqassasoq, kontonut bankini Danmarkimiinngitsuni, Savalimmiuniinngitsuni imaluunniit Kalaallit Nunaanniinngitsuni akiliinerit piffissaq eqqorlugu akiliinertut isigineqartassammata, aamma tiguisussap nunami akiliinerit assigisaasa kinguneranniluunniit tigugaluarpagit, ulloq taanna kontonut Kalaallit Nunaanniittunut akiliinermi assiganik sullinneqarsimappata, taakkulu Kalaallit Nunaanniittut piffissaq eqqorlugu aningaasat tiguppatigit.

Imm. 3-mut

Siullertut akileraartarnermut ingerlatsiviup bankkonto innuttaasup siusinnerusukkut innersuussutigisimasaa, nammineerluni nalunaarsuummut imaluunniit allakkatigit allatigit allaqqaassavaa. Tamatuminnga siunertaavoq, akileraartartup akileraartarnermut ingerlatsiviup paasissutissat pigisai nakkutigisinnaammagit, pisariaqarpallu akiliutissat kontomut allamut akilerneqassappata nalunaarutigisinnaallugu.

Imm. 4-mut.

Siunnersuutigineqarpoq, akileraartartoq bankkontomik innersuussisimangippat, akileraarutaavallaartut il.il. akileraartartup piumasaqaatigisinnaasai ernialersorneqassanngitsut.

Imm. 5-mut.

Siunnersuutigineqarpoq akileraartarnermut ingerlatsiviup arlaleriarluni saaffiginninneratigut saaffiginninniarnertigullu, akileraartartoq bankkontomik akiliiffissamik suli innersuussisimangippat, akileraarutininik, akitsuutinik, akiliutinik, ajunngitsorsiasanik il.il. utertinneqarnissaanut piumasaqaataasinnaasut ukiut 5-it qaangiuppata Nunatta Karsianut ikissasut.

Ukiunik 5-inik piffissaliineq aallartinneqassaaq, akileraartarnermut ingerlatsiviup siusinnerpaamik ullormik aningaasanik akiliiffigisinnaasaanit (frigørelsestidspunktet). Aalajangersangaq pisassarisanik tunniussivissaqanngitsunik taasartagaannut, akileraartarnermut ingerlatsiviup aningaasanik tiguisusaaq attavigisinnaanngikkaagagu, pingaarnertut atorneqartassasoq naatsorsuutigineqarpoq.

§ 2-mut

Inatsisip ulloq 1. januar 2017-imi atortuulernissaa siunnersuutaavoq. Taamaammat ukiumut aningaasarsiorfimmuut 2016-imut nammineerluni nalunaarsuiffiit inatsisissatut siunnersuummi matumani piffissaliussat malillugit nassiunneqartussaassapput.

Imm. 2mut

Siunnersuutigineqassaaq, inatsisip § 1, nr. 5-miit 7-mut pensioninut tunngasutigut paasissutissanik nalunaaruteqarneq nalunaarsuinerlu 2018-mi januaarip aalaqqaataani atuutilissaaq.